

<<江山万里楼诗词钞>>

图书基本信息

书名：<<江山万里楼诗词钞>>

13位ISBN编号：9787532532902

10位ISBN编号：7532532909

出版时间：2003-1

出版时间：上海古籍出版社发行部

作者：楊圻

页数：747

版权说明：本站所提供下载的PDF图书仅提供预览和简介，请支持正版图书。

更多资源请访问：<http://www.tushu007.com>

<<江山万里楼诗词钞>>

内容概要

本书是韵律诗歌作品集，收录了杨圻这位倡导“诗界革命”的清末民初著名诗人的作品，本集录入了诗人不同时期、不同题材的创作。

<<江山万里楼诗词钞>>

书籍目录

序言 前言 江山万里楼诗钞卷一 江山万里楼诗钞卷二 江山万里楼诗钞卷三 江山万里楼诗钞卷四 江山万里楼诗钞卷五 江山万里楼诗钞卷六 江山万里楼诗钞卷七 江山万里楼诗钞卷八 江山万里楼诗钞卷九 江山万里楼诗钞卷十 江山万里楼诗钞卷十一 江山万里楼诗钞卷十二 江山万里楼诗钞卷十三 江山万里楼诗钞 等等

<<江山万里楼诗词钞>>

章节摘录

榆关纪痛诗 十首十旦干四黄海舟中作 甲子秋七月，浙督卢永祥兵败，被逐于齐燮元，乃遣使乞援于奉天。

张雨亭耻于辛酉之败，思修怨于我者三年矣。

于是苏浙之战方熄，而直奉之祸又作。

八月举兵十二万，长驱犯山海关，彭寿莘与战，互有胜负。

上将军吴公，受朝命督师为总司令，直鲁豫副使王承斌为副司令。

十九日，公自洛阳率三师之一旅至京师，设讨逆军总司令部于四照堂。

全国警侯，咸愿会师榆关听驱使，公编制调请，旬日而定。

编正军四军，一军总司令彭寿莘，以王维城、董政国副之。

二军总司令王怀度，以米振标副之。

三军总司令冯玉祥，无副。

四军总司令曹錕，以殷本浩、曹士杰副之。

乃定行军方略，一军分三路进，一路司令彭寿莘，二路司令王维城，三路司令董政国，而以冯玉荣、葛树屏、时全胜属之。

二军分二路进，前敌总指挥刘富有、副指挥龚汉治属之。

三军分二路追，一路司令李鸣钟、二路司令张之江属之。

四军分二路追，二路司令曹永祥属之。

乃编援军十路，张福来为援军总司令，一路司令曹錕，二路司令胡景翼，三路司令张席珍，四路司令杨清臣，五路司令靳云鹗，六路司令阎治堂，七路司令张治功，八路司令李治云，九路司令潘鸿钧，十路司令谭度林，而以曹士錕、林起鹗、田维勤、马燥林、吴长植、张金标等副之。

海军总司令杜锡珪，副司令温树德。

当是时，各督入街，倾国云从，天下将士，无不以得受吴将军驱策为荣。

命使面请，率军效命者争先恐后，坐为之满。

文电日积盈尺。

是役也，统计正军九路，援军十路，司令四十，而后防筹备各司令不与焉。

马步炮辎工兵额共为二十余万，而飞机、海军不与焉。

某将驻某地，某罕取某势，别皆各受吴公之命。

冯玉祥驻热河，为左翼，公知其不可恃，命胡景翼驻喜峯、平泉以监之。

于时诸路诸司令，期会而发，信宿而集，飞挽则依山陆梁，徵赴则排虚缩地，万轨一涂，昏晓无间，甲帐山积，战马云逝，东西南北数千里，肩摩毂击，途为之塞者，累日兼旬，田夫荷耒以观兵，绅商壶浆而犒士，出师之盛，近今无有焉。

九月初十夕，上将军督师发北京，纛车在前，幕府车次之，余以秘书兼机要参议，与闻戎机，随纛车次乘。

十二日，军次秦皇岛，时诸路军云集长城，战稍卸。

先是，冯玉荣失守九门口，敌军得入关，公电令斩冯玉荣以徇。

自往督师。

既至，军威大震，公亲指挥，衣不解带，大战十日，数夺要塞。

惟时饷无的款，军需告匱，公内忧之。

初，财政总长王克敏数谋承认金佛郎案，以得大贿，公在洛数电曹公，力持不可，痛斥其奸，事遂寝。

克敏于是街公，而思中伤以败公功。

军事既兴，王不任筹饷，尝争论于曹公前。

公索之急，王曰：“实无钱。”

无已，则承认金案，旦夕可得数百万。

”公怒曰：“君乃欲乘国家危急，胁劫卖国耶？”

<<江山万里楼诗词钞>>

我宁饿死沙场已耳。

”朝士咸劝杀克敏辈以清侧，为曹公所解。

至是全军饷需日必十万，而兵站、运输、制造弹械、衣甲、医药、谍报、赏恤、舟车、供给一切雄支，实且两倍其数，犹不与也。

秋盞霜高，边海苦寒，士卒有无衣之叹，有司兴仰屋之嗟。

公知不可以持久，利在速胜，乃思出奇兵。

于是躬冒炮火，相度形势，朝浮洲岛，夕返大营，涉海瑜岭，日必数十百里。

归则披阅文书，抉择可否，目无停视，耳无辍听，五官并用，穷栉夙夜，弗以为劳。

遂密定以海军载兵，暗截葫芦岛，出锦西直达沈阳之计，事待发矣。

时奉军转战经月，久因榆开，精锐死伤略盍，士无鬪志，贪怨用兵之非计，至驱贫民以充士卒，辽东豪杰，羣焉思逞，以效顺于吴公。

而我以奇兵出间道临之，直捣黄龙，此其时也。

奉军既侦公日游弋海面，知必有奇谋，顾关下诸军攻之急，不可懈，弗得顾后防，于是大惧。

张雨亭知冯玉祥性好作乱而贪财，方思报怨于吴将军。

乃急使至承德赂玉祥，使倒戈，约券千万为寿，而先犂二百万。

玉祥果利其多金，许之，遣使约承斌、孙岳，共谋去曹吴结张，而据北方政权。

惧景翼之监军也，说之曰：“吴公遇子厚乎？”

”曰：“厚。

”曰：“以子之功，宜分茅矣。

乃猎食顺德，饷械往往不给，曾不得尺寸之土。

且今兹之战，君意何欲？”

”曰：“立功得土耳。

”玉祥笑曰：“豈不闻吴公面曹公之言乎？”

三省巡阅非子衡莫属，三省各督，则懋宣、子耕、赞勋可。

战而胜，事内定，败俱死而已。

”于是景翼怒。

玉祥曰：“鸟盞弓藏，奉灭，曹吴将不可复制。

我将以和平应民意，倡停战以存奉，成奉必德我，而政自我出，不成则我得美名，亦足自给。

一举两得，君其从我游乎？”

”因述奉军急求意，胡素贪而贫，大悦，是夕先犂老头票十万至胡营，祸遂作。

二十一日，冯胡以其军叛，倍道疾趋，夜半至德胜门，孙岳开门纳之，北京陷。

玉祥以炮围总统府，囚曹公于延庆楼，承斌入逼曹公下令停战，褫吴将军职，解其兵柄。

吴公方统大军苦战山海关，闻变，命援军总司令张福来当榆辟，自率卫队一百人，疾趋天津，电调长江鲁豫诸军入街。

各军未及发，而鲁督郑士琦与段祺瑞通，先叛，陈兵济南，断津浦路，命胡翊儒据德州兵工厂，毁铁道，遏南军不得北上，惟潘鸿钧旅先得至，与冯玉祥战于杨村、张庄间，败绩。

时山海关主客军犹十余万，受张福来指挥，居四日，不战而遁，军中莫知所措，则大溃，先津军败，张宗昌遂以骑兵下滦州矣。

公以首尾皆败，援路绝，知事不可为，率残部五千，退唐沽，乘海军南渡，至烟台，将假道入豫，士琦不许，乃入长江，由汉口趋洛阳焉。

玉祥既据北京，自称国民军革命，自建摄政内阁，然意尤在得皇室财宝。

命张壁、鹿钟麟勒兵入宫，露刃逐清帝、后妃下殿，而籍其宫室财货。

于是元明以来，三朝御府珍储，十代帝后珠玉宝器，以至三代鼎彝图书，九洲百国方物，天府嫔、宇宙辶 门必 希世之物，无虑几千万万亿，至是尽载以出，荷戈断行人于道路，六日夜不绝，盖不知其纪极。

夫淡旬之间，两举大逆，虽赵高之害蒙恬，董卓之劫洛阳官，华歆之逼漠献帝，不能专恶于前矣。

方变初发，京津士民，无不发指，及公至津，犹冀一战而反正也。

<<江山万里楼诗词钞>>

败耗既传，咸伤吴公以忠正见欺，而国事将益不可问，无不相向扼腕。

有痛哭者，有愤而病癲者。

外人会饮，言冯事则怒掷酒器于地至粉碎。

综海内外士论，咸以吴公功败垂成，与岳忠武班师，同为千古恨事，同肇惊痛惋惜，不能已已。

余侍从帷幄，历有年所，久安从军之乐，数被战胜之荣，今乃于千载不偶之事，天崩地坼，目击而躬逢之。

伤正义之不伸，慨天心之助长，恸尊亲之忧辱，哀纲纪之沦亡，痛定纪痛，示不忘焉。

.....

<<江山万里楼诗词钞>>

版权说明

本站所提供下载的PDF图书仅提供预览和简介，请支持正版图书。

更多资源请访问:<http://www.tushu007.com>